

Faruk Selmanović
Zastupnik u Skupštini Kantona Sarajevo

Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Premijeru Kantona Sarajevo

PREDMET: ZASTUPNIČKO PITANJE

Poštovani,

Upućujem zastupničko pitanje Nihadu Uku, premijeru Kantona Sarajevo:

1. Koja je to priroda poslova koja zahtjeva, da Kabinet premijera Kantona Sarajevo ima svojstvo pravnog lica, da li je s tim u vezi Kabinet premijera Kantona Sarajevo upisan u registar, te koji je pravni osnov da Kabinet, po pisanom nalogu premijera Kantona Sarajevo, odobrava korištenje sredstava tekuće rezerve, te izvršava sve druge finansijske naloge za koje je odgovoran premijer Kantona Sarajevo i Vlada, kako je navedeno u Uredbi o osnivanju Kabineta, shodno važećim zakonima o budžetu i izvršenju budžeta, odnosno kojim članom navedenih zakona je to decidno propisano?

Naime, u Službenim novinama Kantona Sarajevo, broj 5/24, objavljena je Uredba o dopuni Uredbe o osnivanju Kabineta premijera Kantona Sarajevo, koju je donjela Vlada Kantona Sarajevo na sjednici održanoj 25.1.2024. godine, kojom se utvrđuje da Kabinet premijera ima svojstvo pravnog lica.

Kao pravni osnov za donošenje ove Uredbe, naveden je član 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), kojim je propisano, da se aktom o osnivanju službi, ili drugih tijela iz stava 1. tog člana utvrđuje: naziv službe, odnosno tijela, nadležnost, rukovođenje, odgovornost i druga pitanja od značaja za organizaciju i rad službe, odnosno tijela, **a može se, ako to priroda poslova zahtijeva, odrediti da služba, odnosno drugo tijelo ima svojstvo pravnog lica.**

Takođe, članom 3. Uredbe o osnivanju Kabineta premijera Kantona Sarajevo, propisano je da Kabinet, po pisanom nalogu premijera Kantona Sarajevo, odobrava korištenje sredstava tekuće rezerve, te izvršava sve druge finansijske naloge za koje je odgovoran premijer Kantona Sarajevo i Vlada shodno važećim zakonima o budžetu i izvršenju budžeta

Imajući u vidu, **da Kabinet vrši stručne i administrativno-tehničke poslove za potrebe premijera Kantona Sarajevo,** postavljam pitanje **koja to priroda poslova zahtijeva, da Kabinet premijera Kantona Sarajevo ima svojstvo pravnog lica, te pravni osnov da Kabinet premijera odobrava i koristi sredstva iz Budžeta Kantona Sarajevo?**

Molim usmeni odgovor premijera Kantona Sarajevo.

S poštovanjem,

Faruk Selmanović, Zastupnik u Skupštini Kantona